



和述先生詩集

七

16  
2124  
27





信  
2/24  
27

紹述先生文集卷之二十七

詩集卷之七



男善韶 校

五言絕句

題紀聞小牘第五冊後甲戌

予讀書抄其奇英釘為冊  
子先生題曰紀聞小牘

二酉藏雖繁三餘業亦足亂抽時抄謄不覺昏與旭

遊祇苑丙子六月四日  
八尾生招

翱翔祇樹林攀躋補陀岑簾幕倚華表壺觴醉越陰

絕句庚辰



勁風時謾謾素雪又紛紛絕笑庭除窄不堪聘此君  
寒夜對燈讀書憶子瞻曹溪詩和韻五首

九陌無人跡丹鉛獨對燈一床一書几興味淡於僧  
蒲團坐來穩加膏旋剔燈風傳一聲磬念經何處僧  
欲問金僊道昔嘗閱五燈死生常事耳誤却幾多僧  
真宰卑斯質誰言風裏燈世途偶失脚狼狽動為僧  
進修難就業孤負讀書燈儒士心腸軟堅忍輸却僧

○近江八景

比良暮雪

千仞比良嶽凝青墮大江玉塵侵晚集白盡一枝峯

矢橋歸帆

湖頭將暮處欸乃蒺漁歌忽見風濤裏歸帆小似梭

石山秋月

補陀山一曲金碧倚蒼蒼秋老嶺頭月共同千古光

勢多夕照

誰向大湖口更浮千丈橋長程行不盡斜日掛山腰

三井晚鐘

三井風霜古時聞雲外鐘斜曛看且沒又射塔前松

堅田落雁

平沙千里眼枯句立多時也著兩三雁宛然一局碁



粟津晴嵐

行行松十里源氏昔時墳嵐氣晚還暗縱橫路不久

孤松依岸綠古廟枕江閑一陣夜來雨千重秋後山

題畫

癸未○澤英貞懇

高覺依絕壁怪樹厭危岑同是逃名者來論靜裏心

題三將軍圖

戊子

太公望

渭之水洋洋釣竿幾曾長忽際興王會牧野維鷹揚

張子房

鴻門嘗獻驛博浪復操椎功成而不居高蹤誰能追

諸葛孔明

仲謀方據吳阿瞞僭都鄴草廬三顧裏指揮復漢業

次渡邊良雄丈韻

己丑○渡邊君良雄今茲隸于新院宮監之籍上都寓

于北隣嘗賦一詩見寄頃又聽予講童子問惠投高作一章目次其韵呈謝

下問不相棄漫將古道應偏驚官路劇詞鋒特峻憎  
家世業書史踈慵取下帷芳隣幸相接自是語多時

題山水圖

庚寅

積水天間遠奇峰嵐際連吾無舟楫具對此意茫然

絕句

壬辰



小詩聊過日，薄酒不盈樽。濟勝烏藤在，水南水北村。  
溪上

溪上日初落，溪橋人不來。孤村纔有路，忽遇一枝梅。  
偶成

東風吹宿雪，細水助清流。邊雁歸未盡，忽思湖上舟。  
自詠五首

其一 講經

聖訓日星炳，何須吾講明。先人有遺託，徒切老婆情。

其二 讀書

鷄晨兼燭夜，佔俸未曾休。讀得非誇博，樂過萬戶侯。

其三 屬文

作文非在樂，將闡古賢心。造寫幾千字，不知歲月侵。

其四 賦詩

小詩時觸興，信口不求工。聲病尚難合，何論唐宋風。

其五 寫字

琴碁書畫樂，嗟我一無能。適意臨名帖，亦堪代結繩。

山村冬暮

向晚雪如篩，樵蕪下翠微。經過人更少，鴉入野烟飛。  
千樹葉皆脫，一村燈始明。山前收小市，漸聽夜舂聲。

小畫

癸巳○薩州，鑿生重久，人懇。



行行有底急斜雨獨行人好向前程去村酤味方新  
四月七日攜家弟及同舍生遊東山 戊戌

尋到殘花寺相逢携酒人蟬聲漸催夏客意勝於春

贈德島惟馨歸備後尾道 甲午

之子歸千里馬頭梅未開讀書須早計好遊九春來

殘春病中 丁酉

勝日病中過飛花眼底稀小園行藥罷兀坐負斜暉

塞下曲五首

庚子○客冬稍間燈下漫作回淨書以寓間中一適且要一二友生之屬和

閩外將威重轅門鼓角愁防秋兵未到日夜濁河流  
荒戍月初上故鄉天一方西風消息斷慈母在高堂

疆虜塞垣迫天山雪滿時未諳胡要領師出畏窮追

十年離梓里一醉臥沙場未係單于首祇今鬢已霜

久戍未歸得年年塞草春荒丘堆白骨半是伴行人

題小画

工藤生懇

塔聳樹巔湧舟輕沙際浮欲求真富貴須向此間休

讚州象頭山十二境詩

辛丑

左右櫻陣

南土奧區在高麓俯翠微兩行花映帶轉眄鬪芳菲

後前竹圍

萬竹森如束猗猗也黛雲誰呼文與可畫取帶斜曛



前池躍魚

清池開一鑑，影倒弄波人。拍檻投芳餌，喁喁出錦鱗。  
裏谷遊鹿

谷邃不通日，峰尖欲挿天。歌兼樵斧答，坐與鹿麕眠。

群嶺松雪

支笏誰相對，參差海上峰。夜來松頂雪，幻出玉芙蓉。

幽軒梅月

幽居非世境，清馥一詹梅。山月夜深白，梢頭影往來。

雲林洪鐘

薜荔暮雲底，清鐘出化城。不知從此裡，多少白鬚生。

石洲新浴

陽谷涌神瀆，溫蒸暢四支。振衣殊爽快，不是學湘纍。

箸洗清漣

箸川清似洗，風攪水紋浮。派菜家何在，知應住上游。

橋廊複道

複道跨空碧，人行虹影中。奇峰眼底起，前路失西東。

五百長市

萬室依山列，朱陳自成村。若為避秦者，遐索問桃源。

萬農曲流

抱村溪一曲，餘潤澤蒼生。社酒人人醉，秧成數日晴。



勢州某童子年甫六歲能作大字予未識其人  
或丐題其上幘曰裁一絕以勸之云

妙齡懷偉器能運筆如椽歲月後來多典刑希古賢

題扇頭 壬寅○香  
川大佐懇

此君有高操離立勢千尋不向朱門茂歲寒綠且森

吉雄氏席上和倭 癸卯

五十年前契相逢尋舊盟堪俱消白日松翠蔭南榮  
享保辛丑歲予携弟長準與木村重經明石景  
鳳二生遊丹州和田莊窮登涉之樂者餘浹旬  
矣既歸邑之耆宿堅田三隆翁錄其景勝請予

之題詩以傳後葉其地在千峰萬壑之中溪山  
映帶幽致殊可想也為賦八絕題曰和田八詠  
云

和田邑居

初和田日州自信州和田來移至其子成長  
天心中置寨曰蛇山岩尾城名邑曰和田今  
城廢邑里  
尚饒阜

山中有聚落忘却在山中屋宇人烟簇依然古遺風

佐野古壘 日州之後佐  
野摠州代鎮

當日干城任遺蹤何處尋一堆荒壘在老樹屬春深

八幡華表 昔者秩祠為本州第  
三神曰心一位三宮



丕顯斯文祖維皇帝德傳又於窮谷裏尸祝幾經年

宕峯行祠 有白雲山行祠

小山擬宕阜廟貌此經營唯有白雲起白雲不負名

親緣樹色 佐野總州既失邑慶長中卒于江州木戶親緣寺即其所創建文牒尚存

雲木招提古百年人世移誰來禪室裏靜賦看山詩

八子舞榭 八子大夫世能散樂豐臣太閤時賜邑在和田八歲名技故氏曰八子云

古來傳散樂八子有能名舞榭今尚在世家不墜聲

石岑疊翠 石金山又曰石岑秀於諸山

一拳冠衆嶽千古綠崢嶸爽氣朝來好誰為支笏

船渡板橋 邑東有橋曰船渡

青溪流若帶來往可容刀布置自然巧當中跨一橋

題畫 甲辰○坊城俊將公求○白鷹凌霄

萬里鳥飛絕凌風逸翮輕只看莽蒼裏雪羽特分明

又 長衡求

兩峰雲木合古屋倚崔嵬長嘯人何在不容俗士來

題畫蘭 新川生求

彼美一人兮僊衣不惹塵欲往從之兮空谷十久春

畫竹 長衡懇甲辰冬至日

珊珊鳴佩到頓報一庭秋誰把此君節漫封瀟灑侯

席上題瓶裏梅 乙巳



夢境姑山近，虛無未認真。誰從深雪裏，分我一枝春。

自君之出矣 四月廿一日 香氏

自君之出矣，低摧掉朱扉。蟾子不報喜，隨意棲翠微。

自君之出矣，秋葉幾度飛。緘上寫平安，擬寄邊雁歸。

自君之出矣，未曾製新衣。時與小姑語，山月落羅幃。

題富士小畫 乙巳四月 朝倉氏請

生綃不盈尺，芙蓉一朶青。相看應不厭，何復問敬亭。

宮詞 七月初一日 淺井氏宅

嘗得良家選，十年不識君。忍看宮樹老，和淚落紛紛。

九門華月入，仙樂夜深聞。阿監傳宣召，登時著繡裙。

舊侍尚衣局，朝朝進翠雲。更緣新幸問，故事說慙慙。

月下聞砧 八月廿一日 褚嗣氏宅

寒杵丁當響，擣殘月滿天。只聞來枕上，不識自何邊。

衆星環北極，孤月掛中天。不為清砧動，幽人自少眠。

訪隱者不遇 十月初一日 宜全氏宅

偶訪山中客，蒼烟鎖薜蘿。唯留兒看舍，壁上掛枯蓑。

次管麟嶼氏元日韻 丙午

夙占瓊林宴，來逢輦下春。將何盒洪造，祇與簡編親。

題松梅圖 丙午四月 士樞氏懇

瓊姿欺雪粲，鍊幹帶風蟠。臭味共相倚，歲寒盟未寒。



殘春對雨

五月一日  
淺井氏舍

誰得留春住，養蘭香燼時。一庭花狼藉，枉恨雨絲絲。

題畫

豐州綾  
部氏懇

天心孤月在雲外，斷鴻聲誰住。無人境，相看何限情。

又

朝倉氏懇

半天聲作雨，滿地影鋪雲。不待歲寒日，挺然已絕群。

橫斜纔半樹，疎影落輕綃。祇與雪俱白，何曾與雪消。

蓮池夜酌

七月一日  
井上氏宅

有客來涼到芙蓉初出波，祇知將進酒，不問夜如何。

殘菊

十月十一日  
宜齋氏宅

彫零兼採摘，纔見數枝黃。無意霜周宴，傍籬賞露香。

次那波春朔氏歲首韻

丁未

新獻

予未面春朔氏聞其才器夙成已  
知嚮學因次其韻以勗成立云

栢酒拜重慶，辛盤迎賀賓。新詩忽到手，千里一般春。

題畫

小貫生懇

誰倩惠崇筆，分來秋半江。枯蘆纔帶葉，宿雁自成雙。

題扇頭

淺土州刺史求戊申  
八月秋海棠

雖非西蜀種，酒暈儘風流。留得三春色，嫣然笑九秋。

芙蓉題畫

己酉鳥飼翁  
求叢竹雀棲

勁姿無俗韻，密葉引涼颼。微物亦知足，啾啾占一枝。



荷葉翡翠 庚戌

芙蓉無舊態，擎雨蓋猶新。獨立秋江上，翠禽不畏人。

非富士 辛亥

影落青天外，根蟠日本東。蓬壺知即是，忽現寸眸中。

田子浦

田子浦頭晚月明，雁叫秋秋光來几席。教我喚扁舟。

三保

波撼萬松翠，羽衣何處求。雙帆天際掛，無是汗漫遊。

題象畫 壬子六月朔

異獸南國來，快觀星鳳然。偉狀超羣類，爭作畫圖傳。

舟中卒和子佑丈人韵

嗟中山色近天際，櫓聲來幸有陽春唱。又逢小雨催

享保庚戌詣勢州，將歸宿于関町吉田生宅草

卒題扇頭云

多日嘗相識，討論傾肺腸。同來同投宿，忘却在它鄉。

金瓶是歲壬子季冬，又來見索淨書，因改寫又賡韻

以還之云

一別三霜後，相逢轉斷腸。慙君命駕意，不是鄭公鄉。

侄世德年甫十歲賦元日詩，其父自福山寄送

當計回次韻以勗之 癸丑



續述步生詩集 卷之二十一 世耕堂藏

嘗修初度慶已及十回春偏喜方年富須知要日新

題畫扁 癸丑六月在大坂為清泉氏書

松翠深人袂泉聲清耳根丹青真有意盈尺貴丘園

題畫鷄 為村尾生書

金距爭雄日紅羅得寵回却來修竹東随意啄蒼苔

題畫 中山清五懇

樹老藤蘿掛異禽不識名悠然相對處彷彿聽丁丁

題家藏畫軸

白井友軒翁登歲嘗見先子至今相面每飲稱遺德不已兼巧績事臨錢舜舉花籃圖見寄目詩于上幘以傳于家云

一籃花攢簇雨露活精神不與燕鶯去終年領豔春

唐畫梅贊 甲寅五月大坂土岐侯府士三浦庄大夫氏懇

憶得羅浮曉玉鱗未肯飛夢回香不盡翠羽故依依

題畫雞 應一品公寬親王教作進享保甲寅臘月

逢斯無事世誰復舞中宵好倚書窓宿膠膠伴寐寥

任世惠賦菊詩寄呈請正目次韻以獎之

聞說南陽菊刺者節後妍清光隨綠筆併到洛橋邊

墨梅 乙卯○京尹府三浦氏懇

祇能摸玉骨那復著鉛華雪霽月明夜應看疎影斜

題扇 佐佐木祐安生求

名迹先生文集 卷之二十一 世耕堂藏



嘗嫌城市開去道萬山中山中何所厭出遊一室空

題長英扇頭瓜茄乙卯八月

茅厨常索莫留客苦無緣欲止梅林渴瓜茄累歲聯

題山水畫河合生懇

盡日江山勝莎衣罷釣回模糊烟樹裏只認酒帘來

畫鷺乙卯十月福知山中山氏請

啄不下白水飛不上青天偶尔底心性獨立老樹巔

桃樹卧牛圖丙辰三月為伊良子氏書

曾放桃林野相羣樂幾春莫嗟無事世間喘更無人

題散馬圖

此辛卯歲三韓画史朴竹里所寫也或徵于題詩曰賦云

何曾貢華旆幸免困鹽車伯樂不常有徒然說渥洼

附六言

題扇戊辰

斜日兩三箇雁平岡四五株松洲沙風急翻白岸草

霜清弄紅

題畫庚寅

滿目青山野水一村翠柳紅花白雲深處啼鳥綠樹

陰中有家

早春野望丙午正月十一日香川氏宅



薄遊時踏青甸，一望平川茂林樹。  
樹高低雪解村，村遠近雲深征鴻已動歸思。  
幽鳥方遺好音，松下苔筵可藉與期重期。  
瑤琴

*(Faint bleed-through text from the reverse side of the page)*

七言絕句

陪平井春益筵次，未正逸韵。丁卯

天助斯文猶未喪，相共論古近。  
燈光熟談恰似舊相識，為謝厚情詩一章。

次平井春澤冬夜迎客韵

主人迎客意還厚，斟盡芳樽漸已空。  
窓外蛩聲永今夕，清談相對剪燈中。

次村上元純冬夜迎客韵

簾櫳月冷疎梅影，玉漏夜闌聲更稀。  
投轄主人情轉懇，却忘扶醉朗吟歸。



蘇東坡詩集卷之二十一

陪清祭酒筵賦冬夜月  
風肅霜嚴夜氣清一輪皓月當空明  
敲冰曉鼎獨烹茗陶穀清標得我情

又賦山家雪

山店無人終日寂出門深雪沒芒鞋  
一望四野杳無垠忽見凍禽下玉堦

夏初遊于八坂席上次蕉函韻

輕煙薄靄半陰晴嶽色朦朧檻外橫  
冉冉脩篁弄新綠忽聞啼鳥兩三聲  
樹色蒼蒼雨半晴崢嶸塔影几前橫  
小亭盡畫寂寥

裡寺遠踈鐘時一聲

十菊詠

池荷半敗綠帷衰岸柳既飄翠縷垂  
幸有黃花管秋色今朝初見兩三枝

正是滿階落葉時金英裊露數枝奇  
半開半合秋風裏

裏須酌芳樽傾酒卮

十月初寒百卉萎此花獨自見仙姿  
淒風籬外無人到

到節後猶開三兩枝

滿眼景光儘耐描西風徹夜自蕭蕭  
月明一夜照瓊

藥却訝曉來霜未消

名述先生文集卷之二十一



誰將黃菊數枝芳，植置閑庭松竹旁。  
玉露瀼瀼浮葉際，淒風吹送滿庭香。  
右菊 帶露

右菊 滿庭

紅白遠籬無數開，微吟終日獨徘徊。  
門前剝啄秋風裏，應是白衣送酒來。  
右玩 庭菊

荒庭寂閨客來稀，終日柴門掩破扉。  
唯有籬頭數枝菊，秋來漫費幾篇詩。  
右閑 庭菊

九月肅霜曉滿天，無人獨臥竹窗前。  
却疑身在沉香閣，風遞清香到枕邊。  
右菊 薰枕

淅淅西風搖晚芳，殘花零落倚疎牆。  
秋光寂寞無尋處，霜裊猶留一點香。  
右殘 菊句

納涼季夏

滿庭竹栢鬱森森，遮却殘陽晚影深。  
高捲簾簾凭欄坐，薰風吹送一蟬吟。

矮屋日長慵讀書，有時獨起到庭除。  
滴滿院微涼一雨餘，  
樹綠如

松槐鬱鬱綠陰濃，斷續蟬聲西又東。  
因逐微涼過槁畔，滿川花氣芰荷風。

又次早水甫義韻



池亭涼處移床坐，風送荷香水氣清。一枕新涼侵膚，爽讀書獨樂古人情。

答渡邊希憲三首

山本通春鹽秀，實吉岡師約。早水甫義皆有次韻。○希憲

既歸日州，以俗羈紛擾，不得來于洛，以一詩見示，諸友予因賡其韻。

徂歲秋初餞，故人回頭又是過。青春水雲隔斷三千

里，何日盍簪共輔仁。踈庸猶未免鄉人馬齒既隣二十春，莫道遐方乏師友。要知躬行恕兼仁。

交友難逢有志人，悠悠閑過洛陽春光陰。易老學難進，須是切磋求至仁。

又次早水生韻

九月念三日

陶令一嗙人膾炙，到今騷客惱詩蒐。黃花籬下秋尚淺，畱取甕頭酒滿樽。

次井狩君有所思韻

仲冬初四

喜君嗜學未嘗休，官暇讀書二十秋。此夜清談無俗話，不知何日作奇遊。

雪已已

滿庭積雪白皚皚，糝徑玉塵埋綠苔。自恐履痕印瑤砌，倚欄不下暫裴回。

閏正月朔



春光九十常憂短，幸是今茲一月多。雖是今年多，一月四分之一既經過。

庭前梅花初開

茅舍竹籬洛水涯，疎梅初發野人家。欲知春色十分處，看取枝頭第一花。

王昭君

昨日漢宮眠錦帳，今朝胡地飽腥羶。區區何恨丹青手，禍福從來皆自天。嬋娟傾國是身殃，曷若無鹽安舊鄉。風冷穹廬眠不得，琵琶彈罷據胡床。

春夜雨

莫言一刻千金夜，空守殘燈送雨聲。堪喜明朝快晴後，池塘春草逐時生。

次韻酬信甫見寄之什

不見阿蒙既三歲，憑誰今日刺心蓬。馬蹄早晚西來去，破却東溟萬里風。

冬夜

尾雪簷冰寒一夜，黃梁夢裏入清晨。布衾如鐵窓風切，冷却床頭鼾睡人。

焚書坑



燔書戮令自咸陽千歲腐儒咎始皇假使當年都燒  
盡在人六籍豈能亡

秦故暴橫天所絕詩書蕩盡惑黎民當時六籍何難  
索却恨沛中馬上人

偽典竄經日日重王猷梗塞賊民風何人更借祖龍  
手焚却咸陽煨燼中

梅薰風 庚午

窮巷寒門短短墻疎梅花發占春光清標莫道無人  
識風末時傳一點香

寬居子見寄盛什壹章次韻謝之

故人卜築浪華隩獨味道腴自養痾性懶居諸常玩  
榻無絲欲逐白駒過

訪梅嶺雲禪師

共候秋晴到上方綠陰深處唄音長明窓淨几無餘  
物折脚鐺兒野菜香

遊天王寺

麗譙高擁入雲罽塔穎上連閣道隆廟宇不知梗民  
牖輝煌金碧護豐聰

聖德太子

當今日出聖天子桂籍本支百世蕃若使九京得重



作願將無恙報中原

高津宮

嘗憂民隱軫宸衷比德堯堦與禹宮板屋土墻皆樸  
素想看聖帝古遺風

難波橋

長橋一百八十丈宛轉虹腰割碧濤况有攝城宏麗  
觀遠洲孤島入吟毫

冬初上東山遂到石處士舊業

薜蘿深處入寒雲孤杖幽尋惜日曛時見月鉤上平  
楚東臯歸路帶微醺

峭壁攢峰簇白雲孤嵐乍斷映殘曛寒流野約歸途  
黑水氣時醒酒氣醺

竹有和氣應大醫院今大路氏之懇

主人憐汝素清堅千畝交陰自渭川濃綠拂雲生意  
遍兒孫戢戢共森然

庚午南攝之行豫州大須郎官來謁先生饋以

假山蓋其地所產也其狀兩峰屹峙一道白條  
界其中宛如瀑布先生命之曰小廬臯予回題

曰

造化無心斧削工緣何偶爾作雙峯如看廬岳最高



處雪濕一條隨碧空

辛未之夏陪司馬藤公之遊梅熟琦子之院賦  
正是殘花新筍節芒鞋黎杖到珠林俱衝晚雨將歸  
去修竹叢深鳴好禽

嗣林九成遊鴨河小樓韻

予素不能詩時時為人所索不得已而應之亦窘甚林九成與其友遊鴨河小樓賦詩請予賡韻予不預其集亦不盡識其人然其遊皆風騷之嗜而非世之從事逸遊者之比可詩而可文固不辭之而亦欲和之不知其遊如何慕聖賢從容之遊乎效方外曠放之遊乎麴蘖冶艷之遊固所不問吁其遊固一而情狀大不同觀者其擇之勿在尋常盤遊看也懇迫弗置  
迅筆酬謝

羣英此日聚燕臺累牘奎章照酒盃春色西東何處  
好唯看前嶽送青來  
巨浸迸綠漸瑤臺詞客此來傾幾盃堪恨吟迄無獲  
待要聞何日又重來  
石橋過處到泉臺高致豈但在酒盃幸是喧埃不相  
累想望花外小車來  
聞說鴨河河上臺尋芳裁句共傳盃課書幾冊猶堆  
案新綠日長葉下來  
昔時真逸住雲臺豪族時斟濁酒盃今日盛遊追遺  
蹟鴨川清處弄芳來



吟身不肯到陽臺對酌臨流又一盃借問爭遊探春客劉郎此地幾回來

山椒遠聳般若臺登覽終日盡吟盃晚鐘一吼殷雲際野徑幾人衝暮來

共拉親朋上野臺鵬山望水且含盃白雲自向東岡去碧玉流從北嶺來

垂楊綠合似章臺散出盡歡三數盃欲為詩脾除宿醒一行山雨襲衣來

素瑟角巾登古臺春醪初綠屢傾杯山西日落半規影晚笛遠從風外來

贈復軒在東武

時復軒與吉富二生寓小出侯館故三四及此

多年講習事書詩為喜東遊際盛時借問侯門珠履客囊中穎脫者其誰

題扇

淺井明光懇

輕舸盪波橫水涯垂髻鶴髮弄荷花應嫌眉斧解亾國不盡遊人隘若耶

野月露冷日野藤公席上賦

西疇南畝稻梁肥皓魄當宵遠散輝欲曳吟筇尋勝處又思行露布明珠

仁獸遊飛梁



嘗濡醲化出虞唐戴義抱仁呈厥祥帝德而今光有  
截林郊來止至飛梁

涼風徹蒸暑

炎威赫赫蒸穹蒼矮屋無由欲取涼忽被薰風吹徹  
去送來滿院芰荷香

秋日初訪全妙輪上人

同遊循洛到精廬蕭寺門深來客踈又重老僧炊爨  
累竈收秋葉煮園蔬

田園春興 壬申

膏雨千畦潤若酥紺牙黃甲一時蒸杏花村落勸農

處風物而今入畫圖

早春郊行

閑身不是宦遊人步出郊東值早春春樹依依風未  
軟烟霞何處覓芳辰

春燈

獨惜春宵出小廊上欄花影散清光歸來剔盡篝燈  
暗未了凡書尚數行

春海

熙熙瞰碧海之東光射巨濤欲湧紅一點征帆速如  
矢忽從霞外逐春風



然... 卷之二十七

春夜雨

和氣釀成春滿村，又看夜雨長。苔痕自茲騷，客少詩料理。却宓妃冰雪魂。

小扇撲螢

深宮曾不見君王，鎖住年年苦夜長。應妬宵行飛自在，故把紈素撲流光。

是日和冬嶺村公韻

五月二十七  
日古峯之招

芳園十里距京師，難柰陌頭車馬馳。是日淫霖稀履響，團團幸足與論詩。

池面水平蒲列戟，砌頭雨足草鋪茵。一亭岑寂日方

永絕勝豪華，醉盞塵

歸鳥投林向晚咻，啾啾嘖嘖破清幽。詩談騷話遣塵慮，佗日須思今日遊。

少將愛宕源公席上賦

王公亭榭綠陰中，雨洗天衢爽氣濃。是日幸逢退公暇，論文不覺夕陽紅。

再過詩仙堂訪三好安宅夫人

松杉衡宇映秋晴，尚有昔時真逸情。今日梅開重剝啄，擬追六六舊詩盟。

八月十五夜會方維文宅分題得秋雨壬申



比來霖霖不期晴，慵扣衡門尋舊盟。忽有凄風吹葉落，却疑秋色惹詩情。

山寺避暑

寺依丹巘翠崖間，誰植松筠傍曲灣。忘却炎天矮屋苦，清凉更覺出人寰。

應國子司業澤公請賦龜

癸酉

荇渚蓮塘紅蓼灣，西三出曝戲潺湲。泥中曳尾君休笑，舉首亦能解戴山。

金紫光祿大夫伏原清公庭上櫻花  
春色偏宜學士家，一株香雪白櫻花。華堂暮景映青

瑣，濃艷妖嬈奪彩霞。

東川子宅看牡丹  
露凝紅粧欺渥丹，砌頭巧搗竹欄干。料知東道培灑苦，不許來賓容易看。

烟霧散春晴 右司郎中日野藤輝光公懇

烟暗霧蒸十里隄，山容鬱鬱沒東西。光風一陣登時至，旭日清和好鳥啼。

若艸

郊原煙暖渺無窮，如褥如筵碧且濃。日暮王孫何處去，楚江水漲草茸茸。



次主人韻遊清水寶性院

踈雨雖遮檻外山，却令秋色滿禪關。西南闌闌一望，裏且得騷盟半日間。

右司郎中日野公席上分題賦圍爐

時亞相華山藤公重持銀青勅解由藤公韶拾遺芝山藤公廣同

相對竹爐茶氣新，旋煨楮拙與烏銀。團話熟，頭戢戢却笑剡溪曉，棹人

又得寒月

凍雲冥合四山寒，碾出玉輪影正團。不似三秋良夜，看清光射雪落庭欄。

或夢富士請題

夢登巨艦泛東溟，萬里渺茫海色青。乍見士峯八千丈，曙光射雪曉熒熒。

梅雨甲戌

溟濛雨氣鎖京城，雲密更無一點明。遊子不知農務急，却來屈指擬新晴。

分得夏月

閏月初四古峯宅

飛蓋橋頭夜已深，月明更絕點塵侵。千章喬木鬱成嶺，忽放清光穿綠陰。

小西氏席上次閑齋韻大坂人



熟梅雨霽訪幽館，樹色滿街氣象新。又喜南州風土好，浪華多見好文人。

豆山肖像贊 并序

豆山居士姓山本氏名通春承乃翁舟木先生之業尤善和歌且耽詞章兼通翰畧之策卅六七歲時自寫其真頃來巧題因系以詞云

東道從來巧寫真，青衫烏帽儘精神。雖然曾學萬人敵，風月而今屬此身。

松

如雲如蓋擬陰厓，鬱鬱森森蒼玉枝。何辨秦封與夏社，歲寒不改後凋姿。

鶴

丹頂縞衣玄作裳，芝田日暖唳更長。九天雖警露華冷，勿入鷄群戀稻梁。

竹間梅

庭外千竿修竹叢，野梅斜出一枝濃。子猷愛與和靖節，春色併看一徑中。

門外柳

衡茅雨腐鎖柴門，日永唯聞鳥雀喧。宅邊嘗植五株柳，典午風流唯此存。

茅舍夜燈

播之赤穗淺野侯家人別業八景之一九月十八日岸本惟明題



古屋半間何處村，一燈影遠射柴門。寒砧徹夜聲聲急，幾度枕頭攪夢魂。

豆山子繪其先人遺像，裝潢既成，掛之本園僧舍。會諸友用豆山子和歌末字押韻。

十一月九日井原道悅惠藤一雄江田章芥河諒及子并二弟從先生到

遺貌巧描拂素縑，吟髭閣筆幾回拈。音容雖遠尚如在，追憶而今孝思添。

富士

雲中突兀碧玻璃，八柱擎天勢最奇。氣壓秋津六十國，能持乾紐與坤維。

中元後會古峰子宅

乙亥七月二十一日

又倒綠樽醉臉紅，欲搖輕篋取清風。是非要路附炎客，真率會中古道濃。

耶山晴雪

檗山僧義仙請堺邑某氏莊八景

佛母峯高數百尋，西控蒼海鬱森森。千巖晴雪未消盡，好與幽人助朗吟。

十月十四日從大人造小倉山，弼秀才敦衡二季從至寺，雨甚，持傘展墓夜深而歸。

偶造小倉山上寺，寺深僧老思依依。松楸隴上拂秋雨，展墓焚香日暮歸。



蘇東坡詩集卷之二十七 蘇東坡詩集

嗣韻謝莊野氏見招

十一月十五日酒并河內侯家人庄野昌重見招

笑口為君暫得開，蟬聯佳客共隨來。世家武弁交情在，盤裏香橙瓶裡梅。

臘月初二古峯宅會時家父講語孟字義

烏兔昇沉歲又除，從來學殖奈何踈。淒風吹雪九衢曉，莫逆會中飽讀書。

再和謝之臘五日

從來狂態未曾除，每恐向人禮法踈。健羨漸次趨簡易，須繙鄒魯兩篇書。

鄒魯之書無剗除，畫蛇說著意及踈。飢而食兮渴而飲，莫以繁言殺聖書。

約齋見招分題得雪中獵臘月

雨血風毛獵未休，草枯塞外白雲愁。胡風吹雪陰山北，番馬帶禽日暮遊。

伊吹初雪丙子○北叡鷄足院

一邦巨鎮膽吹峯，神劍斬蛇留遺蹤。陵谷變遷千古後，尚看十月雪初濃。

題長岡老盤庭前紅梅

名意丹字誠甫號規矩堂二月二十五日同家君造

蘇東坡詩集卷之二十七 蘇東坡詩集



續述先生詩集 卷之二十一 蘇詩 蘇詩

規矩堂前一株梅，肆筵設茗且銜盃。天機巧處更難識，素袂變成紅錦堆。

春晚遊古峯氏鷹峯別業 三十日

竹疎松密數家村，琴僕擔頭唯一樽。地確聲休山犬吠，時看稚子出侯門。

自嘲

日出而興日入眠，眼驚歲月暫時遷。坐糜穀帛更無用，浪說讀書學聖賢。

美馬君善平仕于阿波，侯以文學為任。久聞家君之道，遠到京師，僑寓期月，將歸，因次君贈家

君韻以贈之 四月六日

巨艦乘風南國春，來逢華洛艷陽新。自今持守簡且易，養性存心自在身。

慰朝倉孫六喪乃父茂入翁

靈椿嘗擬八千春，風樹臯魚動念頻。莫道自茲無孝日，立身行道要終身。

吉弘以三翁後園紫藤 四月十四日

買得郊西百畝園，柏屏菜圃竹成門。紫藤一架玉千縷，移榻開樽看到昏。

夏日書事

名述先生詩集 卷之二十一 蘇詩 蘇詩



然遠... 卷之二十七

書樓客散拋書睡為報午飧驚夢回忽聽警然簷瓦響隣童偷眼打青梅

題風早光祿藤公庭上松

勢欲凌雲最壯哉養成長免斧斤災行逢封爵至尊賜豈臥澗唇棄異材

題隣舍辟時伊藤吉井二生寓隣舍

長笛不聞豈動情夜深隔壁讀書聲流螢一點過墻到應是分光助我明

即事

凝眸倚檻弄吟髭來客錯言苦索詩拍手呼茶呼不

吞却驚暮雀起深枝

話倦短宵忽四更歸家宿醉未曾醒亂書未帙背燈臥假寐不知西牖明

河邊避暑

晚來浴罷汗稍收共出河湄移榻休時有友人出涼到送茶稚子指牽牛

含玉神泉

泉在豐前彦山嘗有龍王獻珠之異冬夏不一洞彦山十二景之一應座主求北邨可昌請彦山山下宿龍池長見紺寒走碧漪冬夏不憂盈與洞雲蒸靈物蜿蜒時

名述... 卷之二十七 義堂藏



雙峯夕照

峯在豐田河郡形如箭括又名箭括山彦山八景之一

形如箭括勢將抽葱翠挿天飛鳥愁想像廬峰雙劍勝斜暉爭若此山秋

題富士畫

河副氏懇七月三日

雲端回首士峯巔數箇征鴻數點船恍惚不知山是畫飄然却欲問飛僊

唐巖絕壁

在土州佐川鎮景勝似石山佐川江田成章今秋休于洛設十景題此其一

峴巖斗絕石成圍炎微山川此最奇取置長安千里

裏歌廷吟履幾回移

東峯秋月

辻昌堅東山別業十景目方點堂請

亭住普陀山色深好看新月掛東岑四時賞詠雖無別此處秋光偏適心

應中野伯仲之招遊靈山宿阿彌亭

十月廿六日豫州松山城主郎官中野信安清大弟信房見招山通春中村某芥河時亮水谷某及弟長敦至

開宴此亭嘗壽親自君今日再遠巡城東勝地知為最遠寺近郊到處新

君臣

美濃部某請阿州人



終之... 卷之二十七

聞說賡歌治古風虞廷氣象禮兼忠天高地下分雖  
隔須要交孚誠意通

松樹契久 丁丑○應邨井  
氏母六衰壽

六衰令萱初度期寒松比節露貞姿要者遐算俱無  
極不似杏苑競一時

遊仁和寺 三月七日吉弘翁招先生及  
畫師土佐光口及予二弟到

沃田十里久休耕帝子此來構化城嘗植山櫻今滿  
地出虛聲歇醉歌聲

龜山訪杉原君

峽東溪盤數里行長坡盡處忽孤城主人又有遊遊

約未到預馳遐想情

請泉涌寺 三月廿  
九日

聞說靈泉涌此中更沿回磴到琳宮五陵七廟棲真  
處遺澤尚思松柏風

漫興

矮紙斜行抄古詩巧詞多處寫遲遲兒曹案上撥昏  
睡禿盡鼠鬚也不知

小河立所小祥忌

半生齋志老韋編薄命纔登來字年白壁揜光黃壤  
裡塚頭掛劍淚空漣 茂寔四十八段  
故用何祗夢事

名述先生文集 卷之二十七 存三古義堂藏



放言

字曰漫筆人呼古詩不成章却類真食粟而今無一事放言閱盡幾春秋

鶴洲生席上得迷字十月十七日中村善八招損齋存亭中涯希八維八

及二弟

又曰鄉且到幽樓杯酒昏昏意轉迷燭影促歸人未散生惜隣舍五更雞

疎簾看雪捲

比日畏寒長掩扉瓦甌斟盡意闌時乍看前岳朝來雪急捲疎簾求好詩

寒夜客來茶當酒得寒字

雪虐風饕半日寒剪燈話舊共團圓比來久被麴生絕更倩酪奴為盡歡

應栗山本尾二生招次垣内生韻

十一月三日時諒義凱及二弟到

主人好學潔文房瓦研模形漢未央今日同攜同社友或詩或茗或傾觴

次九成韻十一月五日林九成招着水寅所親長特甫良敬時亮岡玄昌從先生到

豈求太乙杖頭光銀燭滿筵客滿堂且喜同來一時傑亂抽架上拂芸香



對酌六日寅所  
宅詩社題

却嫌獨往少風流，更拉隣翁興自由。  
厚祿故人<sub>有</sub>歡，伯山花開處苦相求。

飲豐田立成宅得霜字題冬夜  
話舊

此身十載對青箱，今夜圍爐話正長。  
陳迹追懷如昨耳，嘗遊知歷幾星霜。

宴大澤元悅宅十一月廿八日景賢時亮良敬  
義凱成美景房可興及二季至

青烟銀燭宴高堂，已見葭灰動一陽。  
他日青囊傳秘術，滿園種杏廣僊方。

雪晴臘月六日小  
倉恭詩社題

滕六方驕意氣濃，欲埋萬壑與千峰。  
借來天上黃綿襖，驚起陂頭老臥龍。

是日探題賦燈下圍碁

獨吐青煙寒漏長，臨機著著共爭行。  
願求冷暖玉碁子，取擬宋人龜手方。

又元剛知竹時亮知  
幾鈴木則之到

此身久矣任天遊，尚著儂家舊弊裘。  
花落寒燈人不語，時看飛玉響紋楸。

贈三浦丈人戊寅○去年歸  
國仕于并伊侯

廿年淪落榮旋日，綠髮離鄉今白頭。  
又想徘徊潭府



裏三春花洛憶嘗遊

書劍生涯隨水雲一妻并白代耕耘而今贏得罷官日嘗在士林學績文

子陵釣臺

三月六日並河知竹社題

九葉志劉光復日合攀鵬翼上丹青狂奴何足于天象浪說桐江一客星

酬本山看雲子題農圃漁樵圖見寄

丘岳可樵海可漁世間未看入圖書只今收拾好風景半幅鴛溪便卷舒

錢神振古貴如兄招致勞心了此生官路能諳農圃

趣披圖一一覺多情

紹述先生文集卷之二十七 終



